

上虞縣誌（光緒）
四

上虞縣志卷十七

列傳

寓賢

袁忠漢

虞潭

謝奕

謝安

謝玄

謝琰

阮裕

王修齡已上晉

謝方明子惠連

謝靈運子鳳超宗子幾卿

王弘之

王思遠

孔淳之顧歡

杜京產子栖已上六朝

張興

趙子瀟

夏榮

王義朝

宋延祖

潘時

朱熹已上宋

朱右

王霖 弟廉

王孚

韓廣業

何治仁 已上明

何嘉祐

漢

袁忠字正甫汝南汝陽人安玄孫與同郡范滂爲友俱證黨事得釋初平中爲沛相乘輦車到官以清亮稱及天下大亂忠棄官客會稽上虞一見太守王朗徒從整飾心嫌之遂稱病自絕後孫策破會稽忠等浮海南投交趾獻帝都許徵爲衛尉未到卒

後漢書袁安傳

晉

虞潭字思奧餘姚人清貞有檢操遷宗正卿以疾告歸會
王含沈充等攻逼京都潭遂於本縣招合宗人及郡中大
姓共起義軍進赴國難至上虞明帝手詔潭爲冠軍將軍
領會稽內史潭卽受命義衆雲集時有野鷹飛集屋梁衆
咸懼潭曰起大義而剛鷲之鳥來集破賊必矣會充已擒
徵拜尙書

晉書○案虞潭督軍至虞本
非寓公舊志列此今姑仍之

謝奕字無奕少有名譽初爲剡令有老人犯法奕以醕酒
飲之醉猶未已安時年七八歲在奕膝邊諫止之奕爲改
容遣之與桓溫善溫辟爲安西司馬猶推布衣好在溫坐

岸幘笑詠無異常曰桓溫曰我方外司馬從兄尙有德政
爲西藩所思朝議以奕能嗣尙事遷都督軍事安西將軍
豫州刺史未幾卒官三子泉靖立晉書○案謝氏本陳郡陽夏人自奕爲剡令太
傅兄弟相隨之官樂始寧山水之勝僑
居東山謝氏寓虞實由奕始故首書奕

謝安字安石父哀太常卿安年四歲時桓彝見而歎曰此
兒風神秀徹後當不減王東海弱冠詣王濛清言良久旣
去濛子修曰向客何如大人濛曰此客疊疊爲來逼人王
導亦深契之由是少有重名初辟司徒府除佐著作郎並
以疾辭寓居會稽與王羲之及高陽許詢桑門支遁遊處

出則漁弋山水入則言詠屬文無處世意每遊賞必以妓女從安始有東山之志後嚴命屢臻勢不獲已始就桓溫司馬

上數句畧取世說新語

時年已四十餘尋除吳興太守徵拜侍

中遷吏部尙書中護軍簡文帝疾篤溫上疏薦安宜受顧命及帝崩溫入赴山陵止新亭大陳兵衛將移晉室呼安及王坦之欲於坐害之坦之甚懼問計於安安神色不變曰晉祚存亡在此一行旣見溫坦之流汗沾衣倒執手版安從容就席坐定謂溫曰安聞諸侯有道守在四鄰明公何須壁後置人邪溫笑曰正自不能不爾耳遂笑語移日

時孝武帝富於春秋政不自己溫威振內外人情嚮附互
生同異安與坦之盡忠匡翼終能輯穆尋爲尚書僕射領
吏部加後將軍總關中書事安鎮以和靖御以長算德政
旣行文武用命威懷外著人皆比之王導謂文雅過之又
領揚州牧詔以甲仗百人入殿時帝始親萬機進安中書
監驃騎將軍固讓軍號頃之加司徒又讓不拜復加侍中
都督諸軍事假節時苻堅強盛疆場多虞安遣弟石及兄
子玄等應機征討所在剋捷拜衛將軍開府儀同三司封
建昌縣公堅後率衆號百萬次於淮肥京師震恐加安征

討大都督立入間計安夷然無懼色指授將帥各得其任
立等既破堅以總統功進拜太保安方欲混一文軌上疏
求自北征乃進都督十五州軍事加黃鉞安雖受朝寄然
東山之志始末不渝每形於言色欲須經略粗定自江道
還東雅志未就遂遇疾篤乃上疏遜位尋薨贈太傅謚文
靖更封廬陵郡公二子瑤琚晉書祀鄉賢萬厯志
謝立字幼度少穎悟與從兄朗俱爲叔父安所器重及長
有經國才略時苻堅強盛邊境數被侵寇朝廷求文武良
將可禦北方者以立應舉於是徵拜建武將軍監江北諸

軍事擊破苻堅將彭超句難等以功封東興縣侯及苻堅自率兵次於項城衆號百萬詔以玄爲前鋒都督諸軍事與叔父石從弟琰西中郎將桓伊等距之衆凡八萬堅進屯壽陽列陣臨肥水玄軍不得渡使謂苻融曰君遠涉吾境而臨水爲陣是不欲速戰諸軍稍却令將士得周旋僕與諸軍緩轡而觀之不亦樂乎堅衆皆曰宜阻肥水莫令得上我衆彼寡勢必萬全堅曰但却軍令得過而我以鐵騎數十萬向水逼而殺之融亦以爲然遂麾使却陣衆因亂不能止於是玄與琰伊等以精銳八干涉渡肥水決戰

肥水南堅中流矢臨陣斬融堅衆奔潰自相踏藉投水死者不可勝計肥水爲之不流詔遣殿中將軍慰勞進號前將軍假節固讓不受旣而安奏苻堅喪敗宜乘其釁會以立爲前鋒都督三魏皆降進封康樂縣公朝議以征役旣久使立還鎮淮陰旣還遇疾上疏解職詔使移鎮東陽城立卽路於道疾篤上疏曰臣以常人忽蒙殊遇復命荷戈前驅董司戎首冀憑皇威以塵露報恩然後從亡叔臣安退身東山以道養壽豈謂經略不振自貽斯戾是以奉送章節待罪有司聖恩赦過黷法垂宥木石猶感而況臣乎

顧先疾旣動便至委篤謹遣兼長史劉濟重奉送節蓋章
傳伏願聽臣所乞得及視息瞻覩墳柏詔遣高醫令自消
息病久不差又上疏表寢不報久之乃轉授散騎常侍左
將軍會稽內史時吳興太守張玄之亦以才學顯與玄同
年之郡名亞於玄時人稱爲南北二玄卒於官追贈車騎
將軍開府儀同三司謚曰獻武子琬嗣秘書郎早卒子靈
運嗣

晉書。嘉泰會稽志。玄旣
輿疾之郡卒葬於始寧。

謝琰字瑗度弱冠以貞幹稱美風姿特堅之役安以琰有
軍國才用出爲輔國將軍以精卒八千與從兄玄俱陷陣

破堅以勲封望蔡公王恭舉兵琰假節都督前鋒軍事恭
平遷衛將軍徐州刺史假節孫恩作亂加督吳興義興二
郡軍事討恩至義興斬賊許允之迎太守魏鄢還郡進討
吳興賊丘𪔐破之又詔琰與輔國將軍劉牢之俱討孫恩
恩逃於海島朝廷憂之以琰爲會稽內史都督五郡軍事
恩後復寇狹口入餘姚破上虞進及邢浦去山陰北三十
五里琰遣參軍劉宣之距破恩旣而上黨太守張虔碩戰
敗羣賊銳進人情震駭咸以宜持重嚴備且列水軍於南
湖分兵設伏以待之琰不聽跨馬而出廣武將軍桓寶爲

前鋒摧鋒陷陣殺賊甚多而塘路迤狹琰軍魚貫而前賊於艦中旁射之前後斷絕琰至千秋亭敗績琰帳下都督張猛於後斫琰馬琰墮地與二子肇峻俱被害寶亦死之後劉裕左里之捷生擒猛送琰小子混混剗肝食之詔以琰父子隕於君親忠孝萃於一門贈琰侍中司空諡曰忠肅

晉書

阮裕字思曠陳留尉氏人以德業知名咸和初除尚書郎去職還家居會稽剡縣拜臨海太守少時去職復除東陽太守尋徵侍中不就還剡有肥遯之志有以問王羲之羲

之曰此公近不驚寵辱雖古之沈冥何以過此

世說新語
阮光祿在

東山蕭然無事常內足於懷有人以問王右軍右
軍曰此君近不驚寵辱雖古之沈冥何以過此

成帝崩

裕赴山陵事畢便還諸人相與追之裕亦審時流必當逐
己而疾去至方山不相及劉惔歎曰我入東正當泊安石
渚下耳不敢復近思曠傍裕嘗以人不須廣學正應以禮
讓爲先故終日靜默無所脩綜而物自宗焉在東山久之
經年敦逼並無所就年六十一而卒

晉書

王修齡常在東山甚貧乏陶胡奴爲烏程令送一船米遺
之卻不肯取直荅語王修齡若饑自當就謝仁祖索食不

寓賢

須陶胡奴米

世說新語

南北朝

謝方明祖鐵永嘉太守父冲中書郎家在會稽病歸爲孫
恩所殺方明隨伯父吳興太守邈在郡孫恩寇會稽東土
邈被害方明逃免初邈舅子長樂馮嗣之及北方學士仇
玄達與恩通謀方明結邈門生討嗣之等悉禽手刃之頃
之孫恩重陷會稽謝琰見害因購方明甚急方明於上虞
載母妹奔東陽由黃蘗嶠出鄱陽附載還都寄居國子學
流離險厄屯苦備經而貞履之操在約無改丹陽尹卞範

之勢傾朝野欲以女嫁方明方明終不回除著作佐郎後
從兄景仁舉爲宋武中軍主簿方明知無不爲頃之轉從
事中郎武帝令府中衆事皆諮決之轉中軍長史尋加晉
陵太守復爲驃騎長史南郡相嘗年終江陵縣獄囚事無
輕重悉放歸家囚及父兄並驚喜涕泣以爲就死無恨至
期竟無逃者宋武帝受命位侍中丹陽尹有能名轉會稽
太守東土稱詠之卒官子惠連年十歲能屬文族兄靈運
加賞之云每有篇章對惠連輒得佳語嘗於永嘉西堂思
詩竟日不就忽夢見惠連卽得池塘生春草大以爲工常

萬賢